

中興以來絕妙詞選

一

化園書館

Wahwa Library

開化圖書館

Kaichua Library

開化圖書館

Kaichua library

開化圖書館

Kaishua library

中絕

興妙

以詞

來選

四部叢刊集部

上海涵芬樓借無錫
孫氏小淥天藏明翻
宋本景印原書板心
高營造尺五寸八分
寬四寸三分

絕妙詞選序

長短句始于唐盛于

宋唐詞具載花間集

宋詞多見于曾端伯所編而後雅一

集又兼采唐

宋迄于

宣和之季凡四千三百餘首吁亦備
矣况

中興以來作者繼出及乎近世人各

有詞、各有體知之而未見、之而

未盡者不勝算也暇日裒集得數百

家名之曰絕妙詞選佳詞豈能盡錄

亦嘗鼎一臠而已然其盛麗如游金
張之堂妖冶如攬嬀施之祛悲壯如
三閭豪俊如五陵花市月底舉杯清
唱合以紫簫節以紅牙飄々然作騎
鶴揚州之想信可樂也親友劉誠甫
謀棊諸梓傳之好事者此意善矣又

祿余舊作數十首附於後不無珠玉
在側之愧有愛我者其為刪之淳祐
己酉百五玉林



中興以來絕妙詞選綱目

花菴詞客編集

卷之一

康伯可

二十三首

陳去非

七首

李漢老

五首

葉少蘊

七首

曾公衮

三首

曾純甫

十四首

曾德父

三首

呂居仁

十三首

朱希真 十首

朱雍 三首

張仲宗 十三首

卷之二

劉彥冲 二首

趙元鎮 十一首

王良瞻 五首

李似之 二首

張村甫 九首

張安國 二十四首

吳彥高 二首

楊廷秀 二首

吳大年 二首

范至能 七首

陸務觀

二十首

卷之三

張功甫

十五首

胡仲任

一首

張東父

五首

韓無咎

三首

辛幼安

四十二首

京仲遠

五首

姚令威

五首

卷之四

吳子和

十六首

鄭中卿

五首

謝勉仲 十首

趙文鼎 十四首

趙德莊 五首

黃子厚 三首

趙昌甫 二首

韓仲止 一首

易彥祥 二首

蔡行之 一首

陳同甫 七首

李居厚 六首

李知幾 四首

游子明 三首

危逢吉 三首

卷之五

開

Harvard Library

劉德脩 十首

李子大 一首

李子清 二首

李子永 二首

李子召 一首

李子秀 一首

劉改之 十首

劉叔擬 十七首

嚴次山 三十首

嚴少魯 二首

卷之六

馬莊父 十一首

姜堯章 三十四首

高賓王 二十首

卷之七

史邦卿 十七首

卓稼翁 三首

崔正子 一首

魏華父 四首

劉潛夫 四十二首

劉伯寵 五首

卷之八

劉叔安 二十二首

施乘之 一首

戴式之 十首

盧申之 二十四首

李公甫 一首

卷之九

張宗瑞

二十一首

宋謙父

六首

王子文

一首

曹西士

一首

李俊明

一首

趙用父

一首

黃子魯

一首

潘庭堅

一首

吳毅甫

十三首

王實之

七首

方千里

三首

劉靜甫

五首

卷之十

劉圻父 八首

吳君特 九首

陳敬叟 二首

馮熙之 五首

馮偉壽 六首

李芸叟 一首

連可久 一首

洪叔璵 十六首

附錄

黃叔暘 三十八首

中興以來絕妙詞選綱目

中興以來絕妙詞選卷之一

宋詞

南渡以後諸賢

康伯可

名與之號順庵○渡江初有聲樂府受
 知秦申王王薦於○太上皇帝以文詞
 待詔金馬門凡中興粉飾治具及○慈
 寧歸養○兩宮歡集必假伯可之歌詠
 故應制之詞為多書市刊本皆假托其
 名今得官本乃其壻趙善貢及其友陶
 安世所校定篇二精妙汝陰王性之一
 代名士嘗稱伯可樂章非近代所及今

有晏叔原亦不得獨擅蓋知言云

瑞鶴仙

上元應制

瑞煙浮禁苑正絳闕春回新正方半冰輪桂華滿溢
花衢歌市芙蓉開遍龍樓兩觀見銀燭星球有爛捲
珠簾盡日笙歌盛集寶釵金釧○堪羨綺羅叢裏蘭
麝香中正宜遊翫風柔夜暖花影亂笑聲喧鬧蛾兒
滿路成團打塊簇着冠兒鬪轉喜皇都舊日風光太
平再見按此詞進入太上皇帝極稱賞風柔夜煖
以下至於末章賜金甚厚

瑞鶴仙別恨

薄寒羅袖怯教小玉添香被翻宮櫺蘭缸半明滅聽
幾聲歸鴈一簾微月情波恨葉索新詞猶自怨別夢
回時雪暖酥凝掠鬢寶鴛釵折○淒切紋窓描綉舊
譜尋碁變成虛設同心對結重來是甚時節悵姑蘇
臺上征帆何許隱○遙山萬疊袖紅綃獨立無言偷
彈淚血

漢宮春

慈寧殿元夕被

音作

雲海沉○峭寒收建章雪殘鳩鵲華灯照夜萬井禁
城行樂春隨鬢影映參差柳絲梅萼丹禁杳鰲峰對
聳三山上通寥廓○春衫綉羅香薄步金蓮影下三

千綽約冰輪桂滿皓色冷浸樓閣霓裳帝樂奏昇平
天風吹落留鳳輦通宵宴賞莫放漏聲閑却

喜迂鶯丞相生日

臘殘春早正簾幕護寒樓臺清曉室運當千佳辰餘
五嵩岳誕生元老帝遣阜安宗社人仰雍容廊廟盡
揔道是文章孔孟勲庸周召○師表方眷遇魚水君
臣須信從來少玉帶金魚朱顏綠鬢占斷世間榮耀
篆刻鼎彝將遍整頓乾坤都了願歲一見柳梢青淺
梅英紅小此詞雖佳惜皆媚竈之語蓋爲檜相作耳

喜迂鶯秋夜聞鴈

秋寒初勁看雲路鴈來碧天如鏡湘浦煙深衡陽沙
遠風外幾行斜陣回首塞門何處故國關河重省漢
使老認上林欲下裴回清影○江南煙水暝聲過小
樓燭暗金猊冷送日鳴琴裁詩挑錦此恨此情無盡
夢想洞庭飛下散入雲濤千頃過盡也柰杜陵人遠
玉闕無信

醜奴兒令

促養直赴雪夜溪堂之約

馮夷翦碎澄溪練飛下同雲著地無痕柳絮梅花處
春○山陰此夜明如晝月滿前村莫掩溪門恐有
扁舟興人

醜奴兒令自嶺表還臨安作

紅樓紫陌青春路柳色皇州月澹煙柔
裊二亭二不自由○舊時扶上彫鞍處
此地重遊揔是新愁柳自輕盈水自流

訴衷情令登鬱孤臺與施德初同讀坡詩作

鬱孤臺上立多時煙晚暮雲低
山川城郭良是回首昔人非○
今古事祗堪悲此心知一樽芳酒
慷慨悲歌月墮人歸

訴衷情令長安懷古

阿房廢址漢荒丘狐兔又羣遊
豪華盡成春夢留下

古今愁○君莫上古原頭淚難收夕陽西下塞鴈南
飛渭水東流

菩薩蠻令 長安懷古

秦時宮殿咸陽裏千門萬戶連雲起複道亘西東不
禁三月風○漢唐乘王氣萬歲千秋計畢竟是荒丘
荆榛滿地愁

菩薩蠻令 金陵懷古

龍蟠虎踞金陵郡古來六代豪華盛縹鳳不來遊臺
空江自流○下臨全楚地包舉中原勢可惜草連天
晴郊狐兔眠

康伯可

感皇恩 幽居

一雨一番涼江南秋興門掩蒼苔鎖寒徑紅塵不到
盡日鳥啼人靜綠荷風已過搖香柄○澹陰未解園
林清潤一片飛花墮紅影殘書讀盡袖手高吟清詠
任從車馬客勞方寸

洞仙歌 荷花

若耶溪路別岸花無數欲歛嬌紅向人語與綠荷相
倚恨回首西風波淼淼三十六陂煙雨○新粧明照
水汀渚生香不嫁東風被誰誤遣踟躕騷客意千里
絲絲仙浪遠何處凌波微步想南浦潮生画橈歸正

月曉風清斷腸疑佇

賣花聲

閨思

感損遠山眉幽怨誰知羅衾滴盡淚烟脂夜過春寒
愁未起門外鷓啼○惆悵阻佳期人在天涯東風頻
動小桃枝正是銷魂時候也撩亂花飛

賣花聲

閨思

愁撚斷釵金遠信沉○秦箏調怨不成音郎馬不知
何處也樓外春深○好夢已難尋夜○餘衾目窮千
里正傷心記得當初郎去路綠樹陰○

江城子

越臺春遊作

南溪二月雨初晴四郊明暖風輕一雨一風鋪地落
紅英枝上流鶯啼勸我春欲去且留春○登臨行樂
慰閑情過長亭暮潮平四面青蕪中是越王城信馬
行吟歸路晚山簇柳陰

風入松 春晚

一宵風雨送春歸綠暗紅稀畫樓整日無人到與誰
同撚花枝門外薔薇開也枝頭梅子酸時○玉人應
是數歸期翠斂愁眉塞鴻不到雙魚遠嘆樓前流水
難西新恨欲題紅葉東風滿院花飛

風入松 閨思

碧苔滿地襯殘紅綠樹陰濃曉鶯啼破眉心事舊愁
新恨重翠黛不忺重掃佳時每恨難同○花開花
謝任東風此恨無窮夢魂擬逐楊花去殢人休下簾
櫳要見只憑清夢幾時真箇相逢

謁金門 暮春

春又晚風勁落紅如剪睡起綉床飛絮滿日長門半
掩○不管離腸欲斷聽盡梁間雙燕試上小樓還不
見樓前芳草遠

長相思 遊西湖

南高峯北高峯一片湖光煙靄中春來愁殺儂○郎

意濃妾意濃
油壁車輕郎馬
驄相逢九里松

應天長
閨思

管絃綉陌燈火
畫橋塵香舊時
歸路腸斷蕭娘
舊日風簾映朱
戶鶯能舞花解
語念後約頓成
輕負緩彫轡
獨自歸來凭欄
情緒○楚岫在
何處香夢悠
悠花月更誰主
惆悵後期空有
鱗鴻寄紉素枕
前淚窓外雨翠
幕冷夜涼虛度
未應信此度相
思寸腸千縷

玉樓春令

青牋後約無憑
據誤我碧桃花
下語誰將消息
問劉郎悵望玉
溪二上路○春
來無限傷情緒
擬欲題紅

都寄與東風吹落一庭花手把新愁無寫處

憶秦娥 春思

春寂寞長安古道東風惡東風惡胭脂滿地杏花零
落○臂銷不柰黃金約天寒尚怯春衫薄春衫薄不
禁搵淚為君彈却

陳去非

名與義自號簡坐居士以詩文被簡注
於高宗皇帝入參大政有無住詞一卷
詞雖不多語意超絕識者謂其可摩坡
仙之壘也

臨江仙 夜登小閣憶吳中舊遊

憶昔午橋：上飲坐中多是豪英長溝流月去無聲
杏花疎影裏吹笛到天明○二十餘年成一夢此身
雖在堪驚開登小閣看新晴古今多少事漁唱起三
更

臨江仙 端午

高詠楚詞酬午日天涯節序匆：榴花不似舞裙紅
無人知此意歌罷滿簾風○萬事一身傷老矣戎葵
凝笑墻東酒杯深淺去年同試澆橋下水今夕到湘
中

虞美人 邢子友會上

超然堂上閑賓主不受人間暑冰盤圍坐此間無却
有一瓶和露玉芙蓉○亭○風骨涼生牖更盡尊中
酒○闌踏月轉城西照見幅巾藜杖帶香歸

虞美人

祖席醉中

張帆欲去仍搔首更醉君家酒吟詩日○待春風及
至桃花開後却匆匆○歌聲頻爲行人咽記着樽前
雪明朝酒醒大江流滿載一船離恨向衡州

漁家傲

福建道中

今日山頭雲欲舉青蛟素鳳移時舞行到石橋聞細
雨聽還住風吹却過溪西去○我欲尋詩寬久旅桃

花落盡春無數渺。藍輿穿翠楚悠然處高林忽送
黃鸝語

菩薩蠻 荷花

南軒面對芙蓉浦宜風宜月還宜雨紅少綠多時簾
前光景竒○繩床烏木几盡日繁香裏睡起一篇新
與花爲主人

南歌子 塔院僧閣

矯二千年鶴茫。萬里風攔干三面看秋空背插浮
屠千尺冷煙中○林鳩村。暗溪流處。通此間何
似玉霄峰遙望蓬萊依約晚雲東

李漢老

名邴號雲龕居士其伯父昭玘字成季
元祐名士漢老才學世其家者也建炎
二年入翰林從 駕南渡

漢宮春

梅花

瀟洒江梅向竹梢踈處橫兩三枝東君也不愛惜雪
壓霜欺無情燕子怕春寒輕失花期惟是有南來塞
鴈年長見開時○清淺小溪如練問玉堂何似茅
舍踈籬傷心故人去後冷落新詩微雲淡月對孤芳
分付它誰空自倚清香未減風流不在人知

洞仙歌

柳花

詞選卷一
九
一團嬌軟是將春揉做撩亂隨風到何處自長亭人
去後烟草萋迷歸來了裝點離愁無數○飄揚無箇
事剛被縈牽長是黃昏怕微雨記那回深院靜簾幕
低垂花陰下霎時留住又只恐伊家忒踈狂驀地和
春帶將歸去

小冲山 立春

誰勸東風臘裏來不知天待雪惱江梅東郊寒色尚
徘徊雙絲燕飛傍鬢雲堆○玉冷曉粧臺宜春金縷
字拂香腮紅羅先綉踏青鞋春猶淺花信更須催

木蘭花 美人書字

沉吟不語晴窓畔小字銀鈎題欲遍雲情散亂未成
篇花骨歌斜終帶軟○重○說盡情和怨珍重提携
常在眼暫時得近玉尖纖翻羨縷金紅象管

清平樂 閨情

露花烟柳春思濃如酒幾陣狂風新雨後滿地落紅
鋪綉○風流何處踈狂厭○恨結柔腸又是危闌獨
倚一川煙草斜陽

葉少蘊

名夢得自號石林居士妙齡秀發有文章盛名早受知於蔡元長建炎初召為

戶侍入翰苑參大政以節度使致仕

賀新郎 春晚

睡起流鶯語掩蒼苔房櫳向曉亂紅無數飛盡殘花
無人見惟有垂楊自舞漸暖霽初回輕暑宝扇重尋
明月影暗塵侵尚有乘鸞女驚舊恨鎮如許○江南
夢斷蘅皋渚浪黏天蒲萄漲綠半空煙雨無限樓前
滄波意誰采蘋花寄取但悵望蘭舟客與萬里雲帆
何時到送孤鴻目斷千山阻誰爲我唱金縷

江神子

湘虛鼓瑟

銀濤無際卷蓬瀛落霞明暮雲平遙見青鸞紫鳳下
層城二十五絃彈不盡空感槩有餘情○蒼梧雲水

斷歸程卷霓旌爲誰迎空有千行流淚寄幽貞舞罷
魚龍雲海冷千古恨入江聲

浣溪沙

重陽前一日

小雨初回昨夜涼繞籬新菊已催黃碧雲無際卷蒼
茫○千里斷鴻供遠目十年芳草掛愁腸緩歌聊與
送清觴

念奴嬌

中秋燕客

洞庭波冷望冰輪初轉滄海沉○萬頃孤光雲陣卷
長笛吹破層陰洶湧三江銀濤無際遙帶五湖深酒
闌歌罷至今鬣怒龍吟○回首江海平生漂流容易

散佳會難尋縹緲高城風露爽獨倚危檻重臨醉倒
清樽常娥應笑猶有向來心廣寒宮殿爲余聊借瓊
林

虞美人 雨後置酒林檎花下

落花已作風前舞又送黃昏雨曉來庭院半殘紅惟
有游絲千丈舞晴空○殷勤花下重携手更盡樽中
酒美人不用歛歌眉我亦多情無柰酒闌時

醉蓬萊

上巳日有懷許下西湖

問春風何事斷送繁紅便拚歸去牢落征途笑行人
羈旅一曲陽關斷雲殘靄做渭城朝雨欲寄離愁綠

陰干轉黃鸝空語○遙想湖邊浪搖空翠筦風高
亂花飛絮曲水流觴有山翁行處翠袖朱欄故人應
也弄画舫煙浦會寫相思尊前爲我重翻新句

鷓鴣天

元夕

夾路行歌盡落梅篆煙香細裊寒灰雲移碧海三山
近月破中天九陌開○追樂事惜多才車聲遙聽殷
晴雷十年夢斷鈞天奏猶記流霞醉後杯

曾公袞

名紆號空青先生子宣之子

官至中奉大夫直寶文閣

臨江仙感舊

詞選卷一
後院短牆臨綠水春風急管繁絃問誰親按小嬋娟
玉堂真學士琳館地行仙○安得此身來此處依倚
一夢梨園江南刺史謾垂涎據鞍腸已斷何況到尊
前

洞仙歌 感舊

相如當日曾奏凌雲賦落筆縱橫妙風雨記揚鞭輦
路同醉金明同勝賞不管重城已暮○舊游如夢竟
零落朋儕遺墨淋漓尚如故况神州北望今已丘虛
傷白璧久埋黃土但一似靈光巋然存悵明月清風
更無玄度

菩薩蠻 月夜

山光冷浸清溪底，溪光直到柴門裏。卧對白蘋洲，歌
眠數釣靈光。巋然存悵，明月清風更無玄度。

曾純甫

名覲號海野東都故老及見中興之盛
者詞多感槩如金人捧露盤憶秦娥等
曲悽然有黍離之悲

金人捧露盤 庚寅春奉使過京師

記神京繁華地，舊游蹤。正御溝春水溶溶。平康巷陌，
綉鞍金勒，躍青驄。解衣沽酒醉絃筦，柳綠花紅。○到
如今，餘霜鬢。嗟前事，夢魂中。但寒煙滿目，飛蓬雕闌。

玉砌空餘三十六離宮塞笳驚起暮天鴈寂寞東風

南柯子 元夜

璧月窺紅粉金蓮映綵山東風絲管滿長安移下十
洲三島在人間○兩入初散厭夜向闌倦粧殘
醉怯輕寒手撚玉梅無緒倚闌干

憶秦娥

邯鄲道上望叢臺有感

風蕭瑟邯鄲古道傷行客傷行客繁華一瞬不堪思
憶○叢臺歌舞無消息金尊玉管空陳迹空陳迹連
天草樹暮雲凝碧

朝中措

維揚感懷

雕車南陌碾香塵一夢尚如新回首舊游何在柳煙
花霧迷春○如今霜鬢愁停短棹懶傍清尊二十四
橋風月尋思只有銷魂

蝶恋花

惜春

翠箔垂雲香噴霧年少踈狂載酒尋芳路多少惜花
春意緒勸人金盞歌金縷○桃杏飄零風景暮只有
閑愁不逐流年去舊事而今誰共語画樓空指行雲
處

訴衷情

宮怨

建章宮殿晚生寒飛雪點朱欄舞腰緩隨檀板輕絮

言邊卷一
詩
帶春閑○愁思亂酒腸慳漏將殘玉人今夜滴粉搓
酥應歛眉山

感皇恩 重到臨安作

依舊惜春心花枝常好只恐樽前被花笑少年青鬢
耐得幾番重到舊歡慵記省如天杳○綺陌青門斜
陽芳草今古銷沈送人老帝城春事又是等閑來了
亂紅隨過雨鶯聲悄

眼兒媚 閨思

花近清明晚風寒錦幄獸香殘醺醺醉裏匆匆相見
重聽哀彈○春情入指鶯聲碎危柱不勝絃十分得

意一場輕夢淡月闌干

南鄉子 別意

霜月晚雲收蕭瑟西風滿院秋雅會難期嗟易散遲
留把酒聽歌且勸酬○萬事拚悠○只有情親未意
休後夜扁舟煙浪裏回頭葉○丹楓總是愁

阮郎歸

上苑初夏侍宴池上雙飛新燕掠水而去得旨賦之

柳陰庭館占風光呢喃清晝長碧波新漲小池塘雙
蹠水忙○萍散漫絮飄揚輕盈躡態狂爲憐流去
落紅香銜將歸画梁

沁園春

初冬夜坐聞淮上捷音次韻

更漏迢迢寒天氣畫燭對床正井梧飄砌邊鴻度
月故人何處水遠山長老去功名年來情緒寬盡寒
衣銷舊香除非是伏蠻牋象管時伴吟窓○詞章莫
話行藏且喜見捷書來帝鄉看銳師雲合妖氛電掃
隋堤官柳依舊成行夢繞它年青門紫陌對酒花前
歌正書空成恨柰潘郎兩鬢新點吳霜

菩薩蠻次韻龍深甫春日即事

杏花寒食佳期近一簾煙雨琴書潤砌下水潺湲玉
笙吹暮寒○陽臺雲易散往事尋思懶花底醉相扶
當時人在無

採桑子 清明

清明池館晴還雨綠漲溶溶花裏遊蜂宿粉棲香錦
綉中○玉簫聲斷人何處依舊春風萬點愁紅亂逐
煙波揔向東

柳梢青

侍宴禁中和張知閣應 制作

梅粉輕勻和風布暖香徑無塵鳳閣凌虛龍池澄碧
芳意鱗鱗○清時酒聖花神見內苑風光又新一部
仙韶九曲鸞仗天上長春

曾鈺父

名惇以故相之孫工文辭播在樂府平
康皆習歌之有詞一卷謝景思為序

念奴嬌 送淮漕錢處和

繡衣直指問凌風一笑翩然何許詔出層霄持漢節
千里秋風淮浦鑑遠江山竹西歌吹曾被腥膻汚須
君椽筆爲渠一洗塵土○休厭共倒金荷翠眉重爲
唱渭城朝雨看即揚鞭歸騎穩還指鬱葱深處宝帶
兼金華鞞新綉直上雲霄去回頭莫忘玉霄今夜風
露

訴衷情 別意

鄞江雲氣近蓬萊花柳滿城隈風流謝守相遇應覆
故人杯○煙浪暖錦帆回莫徘徊玉霄亭下芍藥茶

縻都望歸來

浣溪沙

無數春山展画屏無窮煙柳照溪明花枝缺處小舟
橫○紫禁正須紅藥句清江莫與白鷗盟主人元自
是仙鄉

呂居仁

名本中號紫微申公之孫舜徒之子嘗
集江西宗派詩紹興初賜進士第除右
史中書舍人

滿江紅

幽居

東里先生家何在
山陰溪曲對一川
平野數間茅屋

呂居仁

詞源卷一

七

昨夜江頭新雨過，門前流水清如玉。抱小橋，回合柳
參天，搖新綠。○踈籬下，叢菊虛簷外，蕭蕭竹。歎古
今得失，是非榮辱，須信人生歸去好。世間萬事何時
足。問此春、釀酒何如今朝熟。

採桑子 別情

恨君不似江樓月，南北東西，南北東西，只有相隨無
別離。○恨君却似江樓月，暫滿還虧，暫滿還虧，待得
團圓是幾時。

菩薩蠻 夜宴

高樓只在斜陽裏，春風淡蕩人都喜。携客不嫌煩，使

君如酒醇○花光人不會月色須君醉月色與花光
共成今夜長

南歌子 旅思

驛路侵斜月溪橋度曉霜短籬殘菊一枝黃正是亂
山深處過重陽○旅枕元無夢寒更每自長只言江
左好風光不道中原歸思轉淒涼

減字木蘭花 憶舊

去年今夜同醉月明花樹下今夜江邊月暗長堤柳
暗船○故人何處帶我離愁江外去來歲花前還似
今年憶去年

長相思 閨詞

要相忘不相忘玉樹郎君月艷娘幾回曾斷腸○欲
下床却上床上得床來思舊鄉北風吹夢長

踏莎行 梅雪

雪似梅花梅花似雪似和不似都奇絕惱人風味阿
誰知請君問取南樓月○記得去年探梅時節老來
舊事無人說爲誰醉倒爲誰醒到今却怕輕離別

生查子 離思

雙二小鳳斜淡二鴉兒穩一曲渭城歌柳色饒春恨
○離觴洗別愁酒盡愁難盡寶瑟鴈縱橫誰寄天涯

信

生查子 離思

人分南浦春酒把陽關盡衣帶自無情頓爲離人緩
○愁隨苦海深恨逐前峯遠更聽斷腸猿一似聞絃
鴈

蝶戀花 春詞

巧語嬌鶯春未暮楊柳風流恰過池塘雨芳草滿庭
花滿樹無情胡蝶飛來去○睡起小奩香一縷玉篆
回紋等箇人分付桃葉不言人不語眉尖一點君知
否

如夢令 憶舊

海鴈橋邊春苦幾見落花飛絮重到柳行西懶問画樓何處凝竚凝竚十頃荷花風雨

清平樂 柳塘書事

柳塘新漲艇子操雙槳閑倚曲欄成悵望是處春愁一樣○傍人幾點飛花夕陽又送栖鴉試問画樓西畔暮雲恐近天涯

朱希真

名敦儒博物洽聞東都名士 南渡初以詞章擅名天資曠遠有神仙風致其西江月二曲辭淺意深可以警世之役

役於非望之福者

念奴嬌 梅詞

見梅驚笑問經年何處收香藏白似語如愁却問我
何苦紅塵久客觀裏栽桃仙家種杏到處成疎隔千
林無伴淡然獨傲霜雪○且與管領春回孤標爭肯
接雄蜂雌蝶豈是無情知受了多少淒涼風月寄驛
人遙和羹心在忍使芳塵歇東風寂寞可人誰爲攀
折

水龍吟 感事

放船千里凌波去略爲吳山留顧雲屯水府濤隨神

朱希真

詞選卷一

行

言選卷一
女九江東注北客翩然壯心偏感年華將暮念伊嵩
舊隱巢由故友南柯夢遠如許○回首妖氛未掃問
人間英雄何處奇謀報國可憐無用塵昏白羽鐵鎖
橫江錦帆衝浪孫郎良苦但愁敲桂權悲吟梁甫淚
流如雨

採桑子 亂後作

扁舟去作江南客旅鴈孤雲萬里烟塵回首中原泪
滿巾○碧山相映汀洲冷楓葉蘆根日落波平愁損
辭鄉去國人

減字木蘭花 懷感

古人誤我獨舞西風雙淚墮鶴去無蹤木落西陵返
照紅○人間難住擲下酒杯何處去樓鎖鐘殘山北
山南兩點煙

相見懽吳中

東風吹盡江梅橘花開舊日吳王宮殿長青苔○今
古事英雄淚老相催常恨夕陽西去晚潮回

西江月 警悟

世事短如春夢人情薄似秋雲不須計較苦勞心萬
事元來有命○幸遇三五酒美况逢一朵花新片時
歡笑且相親明日陰晴未定

西江月 自樂

日二深盃酒滿朝二小圃花開自歌自舞自開懷且
喜無拘無礙○青史幾番春夢紅塵多少奇才不須
計較與安排領取而今見在

卜筮子 除夕

江上見新年二夜聽春雨有箇人二領略春粉淡紅
輕注○深勸玉西東低唱黃金縷撚底梅花揔是愁
酒盡人歸去

鷓鴣天 自述

我是清都山水郎天教分付與疎狂曾批給雨支風

券屢上留雲借月章
○詩萬首酒千觴
幾曾着眼看
俠王王樓金闕慵歸去
且插梅花醉洛陽

鷓鴣天 歲暮

檢盡曆頭冬又殘
愛它風雪耐它寒
拖條竹杖家
酒上箇籃輿處
山口添老大
轉癡頑
謝天教我老
來閑道人還了鴛鴦債
紙帳梅花醉夢間

朱雍

紹興中乞召試賢良
有梅詞二卷行于世

憶秦娥 懷人

風蕭蕭
二驛亭春信期
春潮期
春潮黃昏浮動誰在江

言述卷一
三
臯○碧雲冉冉橫溪橋瓊車未至餘香飄餘香飄一
簾踈影月在花梢

好事近梅

春色爲誰來枝上半留殘雪恰近小園香徑對霜林
寒月○危欄悽斷笛聲長吹到偏嗚咽最好短亭歸
路有行人先折

謁金門

春太早十二玉樓初曉半額試粧深院悄相逢何草
二○臨水幽香縹緲彷彿淡粧窺照恰值日邊人未
到紛二紫古道

張仲宗

三山人○紹興戊午之和胡澹庵上書
乞斬時相坐謫新州仲宗以詞送行後

併得罪

賀新郎 送胡邦衡謫新州

夢繞神州路。悵秋風、連營畫角。故宮離黍，底事崑崙
傾砥柱。九地黄流亂注，聚萬落、千村狐兔。天意從來
高難問，況人情、易老悲如許。更南浦、送君去。○涼生
岸柳，銷殘暑。耿斜河、疎星淡月，斷雲微度。萬里江山
知何處。回首對床夜語，鴈不到、書成誰與。目盡青天
懷今古。肯兒曹、恩怨相爾汝。舉大白、唱金縷。

賀新郎 寄李伯紀丞相

曳杖危樓去斗垂天滄波萬頃月流煙渚掃盡浮雲
風不定未放扁舟夜渡宿鴈落寒蘆深處悵望閔河
空吊影正人間鼻息鳴鼉鼓誰伴我醉中舞○十年
一夢揚州路倚高寒愁生故國氣吞驕虜要斬樓蘭
三尺劍遺恨琵琶舊語謾暗澁銅花塵土喚取謫仙
平章看過茗溪尚許垂綸否風浩蕩欲輕舉

滿江紅 旅思

春水連天桃花浪幾番風惡雲乍起遠山遮盡晚風
還作綠遍芳洲生杜若楚帆帶雨煙中落認向來沙

背共停橈傷飄泊○寒猶在衾偏薄腸欲斷愁難着
倚蓬窓無寐引盃孤酌寒食清明都過了可憐孤負
年時約想小樓日望歸舟人如削

蘭陵王春遊

卷珠箔朝雨輕陰乍閣闌干外煙柳弄晴芳草侵階
映紅藥東風妬花惡吹落梢頭嫩萼屏山掩沈水倦
熏中酒心情怕杯勺○尋思舊京洛正年少踈狂歌
笑迷著障泥油壁催梳掠曾馳道同載上林携手燈
夜初過早共約又爭信漂泊○寂寞念行樂甚粉淡
衣襟音斷絃索瓊枝璧月春如昨悵別後華表那回

詞邊卷一
三
雙鶴相思除是向醉裏暫忘却

蘭陵王 春思

綺霞散空碧留晴向晚東風裏天氣困入時節秋千
閉深院簾旌翠波颭窓影殘紅一線春光好花臉柳
腰勾引芳菲鬧鶯燕○閑愁費消遣想蛾綠輕顰鵝
鑑新怨單衣欲試寒猶淺羞衾鳳空展塞鴻難托誰
問潛寬舊帶眼念人似天遠 迷恋画堂宴看最樂
王孫濃艷爭勸蘭膏宝篆春宵短擁檀板低唱玉杯
重暖衆中先醉謾倚檻早夢見

念奴嬌 秋思

江天雨霽正露荷擎翠風槐搖綠試問秦樓今夜裏
秋到闌干幾曲笑撚黃花重題紅葉無奈歸期促暮
雲千里桂華初綻寒玉○有誰伴我淒涼除非分付
與杯中醽醁水本無情山又遠回首煙波雲木夢繞
西園魂飛南浦自古情難足舊遊何處落霞空映孤
鷺

石州慢 初春感舊

寒水依痕春意漸回沙際煙闊溪梅晴照生香冷
蘂數枝爭發天涯舊恨試看幾許消魂長亭門外山重
疊不盡眼中青怕昏黃時節○情切画樓深閉想見

東風暗消肌雪辜負枕前雲雨樽前花月心期切處
更有多少淒涼殷勤留與歸時說到得再相逢恰經
年離別

青玉案 憶舊

華裾玉轡青絲鞵記年少金吾從花底朝回珠翠擁
曉鐘初斷宿醒猶帶綠瑣窓中夢○天涯相遇鞭鷩
鳳老去空成更情重月轉簷牙雲遠棟涼吹香霧酒
迷歌扇春筍傳杯送

臨江仙 茶蘼有感

鶯喚屏山驚睡起嬌羞須索郎扶茶蘼斗帳罷熏爐

翠穿珠落索香泛玉流酥○長記枕痕消醉色日高
猶倦粧梳一枝春瘦想如初夢迷芳草路望斷素鱗
書

浣溪沙 別意

燕掠風簷欵_二飛艷桃穠李鬧長堤騎鯨人去曉鶯
啼○可意湖山留我住斷腸煙水送君歸三春不是
別離時

漁家傲

樓外天寒山欲暮溪邊雪後藏雲樹小艇風斜沙觜
露流年度春光已向梅梢住○短夢今宵還到否葦

村四望知何處客裏從來無意緒催歸去故園正要
鶯花主

謁金門 道山亭饒張椿老赴行在

風露底石上岸巾愁起月到房心天似水亂峯清影
裏○此去登瀛須記今夕道山同醉春殿明年人共
指玉皇香案吏

中興以來絕妙詞選卷之一

中興以來絕妙詞選卷之二

宋詞

劉彥沖

名子翬號屏山先生劉忠顯公之子朱文公之師有屏山文集行于世小詞附

其後

驀山溪 九日

浮煙冷雨此日還重九秋去又秋來但黃花年二依
舊平臺戲馬無處問英雄茅舍小竹籬踈兀坐空搔
首○客來何有草二三杯酒一醉萬緣空休貪它金
印如斗病翁老矣誰共賦歸欵芟隴麥網溪魚未落

它人後

滿庭芳 和胡明仲桂花詞

秋入微陰涼生平遠小山愁絕天南似聞還斷飛策
遍千岩葉底輕黃纂纂惱人是微裂芳絨條然勝清
真冷淡無艷寄塵凡○澄潭歌兩岸波光搖動碧影
相參任西風十里吹度松杉我自寒灰槁木疑神處
不覺醺酣歸來晚飛花無迹明月滿空函

趙元鎮

名鼎號得全居士○中興

名相詞婉媚不減花間集

蝶戀花 春思

盡日東風吹綠樹向晚輕寒數點催花雨年少淒涼
天賦與更堪春思縈離緒○臨水高樓携酒處曾倚
哀絃歌斷黃金縷樓下水流何處去凭欄目送蒼烟
暮

點絳脣

春愁

香冷金爐夢回鴛帳餘香嫩更無人問一枕江南恨
○消瘦休文頓覺春衫褪清明近杏花吹盡薄暮東
風緊

點絳脣

惜別

惜別傷離此生此念無重數故人何處還送春歸去

○美酒一杯誰解歌金縷無情緒淡煙疎雨花落空
庭暮

賀聖朝 秋思

斷霞收盡黃昏雨滴梧桐疎樹簾櫳不卷夜沈
一庭風露○天涯人遠心期夢悄苦長宵難度知它
窓外促織兒有許多言語

浣溪沙 美人

艷○春嬌入眼波勸人金盞緩聲歌不禁粉淚搵香
羅○暮雨朝雲相見少落花流水別離多寸腸爭奈
此情何

画堂春 春日

空籠簾影隔垂楊夢回芳草池塘杏花枝上蝶雙
春晝初長○強理雲鬟臨照暗彈粉淚沾裳自憐容
艷惜流光無限思量

醉桃園

春晚

青春不與花為主花正開時春暮花下醉眠休訴看
取春歸去○鶯愁蝶怨春知否欲問春歸何處只有
一樽芳醕留得青春住

人月圓

中秋

連環宝瑟深願結盡一生愁人間天上佳期勝賞

今夜中秋○雅歌妍態常娥見了應羨風流芳樽美
酒年二歲二月滿高樓

怨春風 閨怨

宝鑑凌花瑩孤鸞慵照影魚書蝶夢兩消沈恨二二
結盡丁香瘦如楊柳雨踈雲冷○宿醉厭二病羅巾
空淚粉欲將遠意託湘絃悶二二香絮悠二画簾悄
二日長春困

滿江紅 丁未九月南渡泊舟儀真江口

慘結秋陰西風送絲二雨濕凝望眼征鴻幾字暮投
沙磧欲往鄉關何處是水雲浩蕩連南北但脩眉一

抹有無中造山色○天涯路江上客腸已斷頭應白
空搔首興嘆莫年離隔欲待忘憂除是酒柰酒行有
盡愁無極便挽將江水入樽壘澆胃臆

西江月 福唐別故人

世態浮雲易變時光飛箭難留五年重見海東頭只
有交情似舊○未盡別來深意難堪老去離愁青山
迢遞水悠悠○明日扁舟病酒

王民瞻

名庭珪號瀘溪先生廬陵人弃官養志
二十年 紹興辛酉胡澹庵謫新州民
瞻以詩送之云癡兒不了公家事男子

要為天下奇坐是除名編隸辰州

感皇恩 留別

一葉下西風寒生南浦
椎鼓鳴鏡送君去長亭把酒
却倩阿誰留住樽前人似玉
能留否○醉中暫聽離
歌幾許聽不能終淚如雨
無情江水斷送扁舟何處
歸時煙浪捲朱簾暮

點降唇 感舊

花外紅樓當時青鬢顏如玉
淡煙殘燭醉入花間宿
○白髮相逢猶唱當時曲
當時曲斷絃難續且盡盃
中醪

鳳棲梧 王彥恭生日

瓊海無邊銀浪捲。画戟朱樓縹緲雲閒。見當日使君
曾擁傳海霞光裏。時開讌。○翠竿紅鱗吹酒面。莫謂
今朝人在天涯。遠彩鳳銜書。應不晚。願公難老。身長
健。

滿庭芳 戊辰上元黃子餘席上時未有月

宿雨初收。晚風微度。萬家簾捲青煙。暗塵隨馬。人物
似神仙。試問天公。借月天須放。明月教圓。應移下。廣
寒宮殿。燈火接星躔。○盧川元古。郡當時太守。賓從
俱賢。到如今。萬井歌吹噫。闌花下。紅粧賣酒。時相遇。

曲水橋邊誰知道山城父老重見中興年

桃源憶故人

辰州泛舟送郭景文周子康赴行

催花一霎清明雨留得東風且住兩岸柳汀煙塢未
放行人去○人如雙鵝雲間舉明夜扁舟何處只向
武陵南渡便是長安路

李似之

名玆遜自號筠翁 中興

初名士不附秦檜坐貶

勝二慢木犀

龍涎燒就沈水熏成分明亂屑瓊瑰一朵才開人間
十里先知此花大即不大有許多瀟洒清奇較量盡

請勝如茉莉賽得荼蘼○更被秋光撥送放些兒月
照着陣風吹惱殺多情猛拚沉醉酬伊朝二暮二守
定儘忙時也不相離睡夢裏膽瓶兒枕畔數枝

菩薩蠻

江城烽火連三月不堪對酒長亭別休作斷腸聲老
來無淚傾○風高帆影疾目送舟痕碧錦字幾時來
薰風無鴈回

張材甫

名掄號蓮社居士 南渡故老及
見太平之盛者集中多應制詞

柳梢青 侍宴

李似之

詞選卷三

六

柳色初勻輕寒似水纖雨如塵一陣東風穀紋微皺
碧沼鱗_二○仙娥花月精神奏鳳管鶯絲鬪新萬歲
聲中九霞杯裏長醉芳春

蝶戀花

海棠

前日海棠猶未破點_二胭脂染就真珠顆今日重來
花下坐亂鋪宮錦春無那○賸摘繁枝簪幾朶痛惜
深憐只恐芳菲過醉倒何妨花底卧不須紅袖來扶
我

臨江仙

禁中丹桂

玉宇涼生清禁曉丹葩色照晴空珊瑚敲碎小玲瓏

人間無此種來自廣寒宮○雕玉闌干深院靜嫣然
凝笑西風曲屏須占一枝紅且圖歌醉枕香到夢魂
中

臨江仙 車駕朝享景靈宮久雨一夕開霽

聞道彤庭森寶仗霜風逐雨驅雲六龍扶輦下青冥
香隨鳶扇遠日射赭袍明○簾捲天街人隘路滿城
喜望清塵歡聲催起嶺梅春欲知天意好昨夜月華
新

西江月 瑞香

剪就碧雲鬅葉刺成紫玉芳心淺春不怕峭寒侵暖

詞選卷二
七
徹薰籠瑞錦○花裏清芬獨步樽前勝韻難禁飛香
直到玉杯深消得厭○痛飲

朝中措 夜景

燈花挑盡夜將闌斜掩小屏山一點涼蟾窺幔釧敲
玉臂生寒○起來無緒爐薰燼冷桐葉聲乾都把沈
思幽恨明朝分付眉端

燭影搖紅 上元有懷

雙闕中天鳳樓十二春寒淺去年元夜奉宸游曾侍
瑤池宴玉殿珠簾盡捲擁羣仙蓬壺閭苑五雲深處
萬燭光中揭天絲管○馳隙流年恍如一瞬星霜換

今宵誰念泣孤臣
回首長安遠
可是塵緣未斷
謾惆悵華胥夢短
滿懷幽恨數點寒燈
幾聲歸鴈

浣溪沙 和曾純甫題謝氏小閣

築室崢嶸占宝峯
退朝燕坐萬緣空
出塵高志抗冥鴻
○何日嘉招陪一笑
看君豪飲醕千鐘
試憑鄙句作先容

霜天曉角 別恨

曉風搖幕歌枕聞殘角
霜月可窓寒影金猊冷
翠衾薄
○舊恨無處着
新愁還又作
夜：單于聲裏燈花共淚珠落

張安國

名孝祥號于湖歷陽人以妙年射策魁天下不數載入直中書有紫微雅詞湯衡為序稱其平昔為詞未嘗著藁筆酣與健頃刻即成無一字無來處如歌頭凱歌諸曲駿發蹈厲寓以詩人句法者也

六州歌頭

長淮望斷閔塞莽然平征塵暗霜風勁悄邊聲黯銷凝
追想當年事殆天數非人力洙泗上絃歌地亦羶
腥隔水蘊鄉落日牛羊下區脫縱橫看名王宵獵騎

火一川明笳鼓悲鳴遣人驚○念腰間箭匣中劍空
埃蠹竟何成時易失心徒壯歲將零渺神京干羽方
懷遠靜烽燧且休兵冠蓋使紛馳騫若為情聞道中
原遺老常南望翠葆霓旌使行人到此忠憤氣填膺
有淚如傾

水調歌頭 凱歌寄湖南安撫劉舍人

猩鬼嘯篁竹玉帳夜分弓少年荆楚劍客突騎錦襜
紅千里風飛雷厲四校星流彗掃蕭斧挫春葱談笑
青油幕日奏捷書同○詩書帥黃閣老黑頭公家傳
鴻宝秘略小試不言功聞道璽書頻下看即沙堤歸

詞選卷二
九
去帷幄且從容君王自神武一舉朔庭空

水調歌頭舟過金山寺

江山自雄麗風露與高寒寄聲月姊借我玉鑑此中
看幽壑魚龍悲嘯倒影星辰搖動海氣夜漫二擁起
白銀闕危駐紫金山○表獨立飛玉佩整雲冠漱冰
濯雪眇視萬里一毫端回首三山何處聞道羣仙笑
我要我欲俱還揮手從此去翳鳳更驂鸞

水調歌頭

隱靜寺觀雨寺有碧霄泉

青嶂度雲氣幽壑舞回風江神助我雄觀喚起碧霄
龍電掣金蛇千丈雷震靈鼉萬疊洶二欲崩空盡瀉

銀潢水散入宝蓮宮○坐中客凌積翠看奔洪人間
應大匕箸唯我獨從容淨洗從來塵垢潤及無邊枯
槁造物不言功天宇忽開霽日在五雲東

滿江紅 秋懷

秋滿灘源瘴雲淨曉山如簇動遠思空江小艇高立
喬木策策西風雙鬢底暉斜日朱欄曲試側身回
首望京華迷南北○思歸夢天邊鵠遊宦事蕉中鹿
想一年好處砌紅堆綠羅帕分柑霜落齒冰盤剝芡
珠盈掬借春纖縷鱸搗香壑新菡熟

念奴嬌 飲雪呈朱漕

朔風吹雨送淒涼天意垂二欲雪萬里南荒雲霧滿
弱水蓬萊相接凍合龍崗寒侵銅柱碧海冰漸結憑
高一笑問君何處炎熱○家在楚尾吳頭歸期猶未
對此驚時節記得年時貂帽煖鐵馬千羣觀獵狐兔
成車歌鍾殷地婦踏層城月持盃日醉不須北望淒
切

念奴嬌 洞庭

洞庭青草近中秋更無一點風色玉界瓊田三萬頃
着我扁舟一葉素月分輝銀河共影表裏俱澄澈怡
然心會妙處難與君說○應念嶺海經年孤光自照

肝肺皆冰雪短髮蕭騷襟袖冷穩泛滄浪空闊盡把
西江細傾北斗萬象爲賓客扣舷一笑不知今夕何
夕

念奴嬌 離思

星沙初下望重湖遠水長雲漠漠一葉扁舟誰念我
今日天涯飄泊平楚南來大江東去處風波惡吳
中何地滿懷俱是離索○長記送我行時綠波亭上
泣透青羅薄檣燕低飛人去後依舊湘城簾幕不盡
山川無窮烟浪辜負秦樓約漁歌聲斷爲君雙淚傾
落

木欄花 離思

送歸雲去鴈淡寒彩滿溪樓正佩解湘腰釵孤楚鬢
寫鑑分收凝情望行處路但踈烟遠樹織離憂只有
樓前溪水伴人清淚長流○霜華夜永逼衾裯喚誰
護衣篝念粉館重來芳塵未掃爭見嬉遊情知悶來
帶酒柰回腸不醉只添愁脉脉無言竟日斷魂雙鶩

南州

木欄花 別情

紫簫吹散後恨燕子只空樓念壁月長虧玉簪中折
覆水難收青鸞送碧雲句道霞扃霧鎖不堪憂情與

文梭共織怨隨宮葉同流○人間天上兩悠○暗淚
洒燈篝記谷口園林當時驛舍夢裏曾遊銀屏低聞
笑語但夢時冉冉醒時愁擬把菱花一半試尋高價
皇州

雨中花

長沙

一葉凌波十里御風烟鬟雨鬢蕭蕭○認得江臯玉珮
水館冰綃秋淨明霞乍吐曙涼宿靄初消恨微顰不
語欲進還休凝竚超遙○神交冉冉○愁思盈盈○斷菟
欲遣誰招還似待青鸞傳信烏鵲成橋悵望胎仙琴
疊羞看翡翠蘭苕夢回人遠紅雲一片天際笙簫

言選卷二
三
驀山溪 春情

雄風豪雨時節清明近
簾幙起輕寒
煖紅爐笑翻灰
燼陰藏遲日欲驗幾多長
綉工慵圍碁
倦香篆頻銷印
○茂林芳徑綠變紅
添潤桃杏意酣
占前頭一番花信
華堂尊酒但作艷陽歌
禽聲喜流雲盡
明日春遊俊

鷓鴣天

長沙餞劉樞密

浴殿西頭白玉堂
湘江東畔碧油幢
北辰躔次瞻星象
南斗山川解印章
○隨步武借恩光
送君先促舍人裝
他年真肯傳衣鉢
今日先須酌一觴

鷓鴣天 春情

日：青樓醉夢中不知樓外已春濃杏花未遇疎：雨楊柳初搖短：風○扶画鷁躍花驄湧金門外小橋東行：又入笙歌裏人在珠簾第幾重

菩薩蠻 舟中

十年長作江南客檣竿又挂西風席白鳥去邊明楚山無數青○倒冠仍落珮我醉君同醉試問識君不青山與白鷗

菩薩蠻 杏花

東風約略吹羅幕一簷細雨春陰薄試把杏花看濕

紅嬌暮寒○佳人雙玉枕烘醉鴛鴦錦折得最繁枝
暖香生翠幃

鵲橋仙

橫波滴素遙山蹙翠江北江南腸斷不知何處御風
來雲霧裏釵橫鬢亂○香羅疊恨蠻牋寓意付與瑤
臺女伴醉時言語醒時愁道說與醒時休看

鵲橋仙梅

吹香成陣飛花如雪不那朝來風雨可憐無處避春
寒但玉立仙衣數縷○清愁萬斛柔腸千結醉裏一
時分付勸君不用嘆飄零待結子成陰歸去

西江月 黃陵廟

滿載一船明月平鋪千里秋江波神留我看斜陽喚
起鱗二細浪○明日風回更好今朝露宿何妨水晶
宮裏奏霓裳準擬岳陽樓上

西江月 洞庭

問訊湖邊春色重來又是三年東風吹我過湖船楊
柳絲二拂面○世路如今已慣此心到處悠然寒光
亭下水連天飛起沙鷗一片

西江月 為劉樞密太夫人壽

疇昔通家事契即今兩鎮交承起居樞密太夫人綠

詞選卷二
髮斑衣相映○乞得神仙九醞祝教福祿千春台星
直上壽星明長見門闌鼎盛

憶秦娥

雪

雲垂幕陰風慘淡天花落天花落千林瓊玖滿空
鶴○征車渺二穿華薄路迷二路增離索增離索楚
溪山水碧湘樓閣

憶秦娥

梅

梅花發寒梢挂着瑤臺月瑤臺月和羹心事履霜時
節○斷橋流水聲嗚咽行人立馬空愁絕空愁絕為
誰凝佇為誰攀折

憶秦娥 元夕

元宵節鳳樓相對鰲山結鰲山結香塵隨步柳梢微
月○多情又見珠簾揭游人不放笙歌歇笙歌歇曉
烟輕散帝城宮闕

吳彥高

名激 先朝故
臣米元章之婿

春從天上來

會寧府遇老姬善鼓瑟自言梨園舊籍

海角飄零嘆漢苑秦宮墜露飛螢夢裏天上金屋銀
屏歌吹競舉青冥問當時遺譜有絕藝鼓瑟湘靈促
哀彈似林鶯啞三山溜冷○梨園太平樂府醉幾

度春風鬢變星三舞徹中原塵飛滄海風雪萬里龍

庭窳胡笳幽怨人憔悴不似丹青酒微醒一軒涼月

灯火青熒

三山鄭中卿從張貴謨使虜日聞有歌之者

青衫濕宴北人張侍御家有感

南朝千古傷心地還唱後庭花舊時王謝堂前燕子

飛入人家○恍然在遇天姿勝雪宮鬢堆鴉江州司

馬青衫濕淚同是天涯

右二曲皆精妙悽婉惜無人

括出今錄入選必有能知其味者

楊廷秀

名萬里號誠齋吉州人以道德風

節照映一世實為

四朝壽俊

念奴嬌 上章乞休置戲作小詞自賀

老夫歸去有三徑足可長拖衫袖一道官銜清徹骨
別有監臨主守主守清風監臨明月兼管栽花柳登
山臨水作詩三首兩首○休說白日昇天莫誇金印
斗大懸雙肘且說廬陵新盛事三箇閑人眉壽揀罷
軍負婦農押錄致政誠坐叟只愁醉殺螺江門外私
酒吉有螺江門

憶秦娥 初春

新春早春前十日春歸了春歸了落梅如雪野桃紅
小○老夫不管春催老只圖爛醉花前倒花前倒兒

扶婦去醒來窓曉

名億 渡江初人

吳大年

燭影搖紅 元夕

樓雪初消麗譙吹罷單于晚使君千炬起班春歌吹
香風煖十里珠簾盡捲人正在蓬壺閨苑賣薪買酒
立馬傳觴昇平重見○誰識遨頭去年曾侍傳柑宴
至今衣袖帶天香行處氤氳滿已是春宵苦短更莫
遣歡遊意懶細聽婦路壁月光中玉簫聲遠

南鄉子 江上

江上雪初消暖日晴烟弄柳條認得裙腰芳草綠魂
銷曾折梅花過斷橋○潘鬢為誰凋長恨金閨閉阿
嬌遙想晚粧呵手罷天饒更傍朱唇暖玉簫

范至能

名成大號石湖居士 孝宗朝入參大
政詩文超絕三高亭記天下之人誦之

嘗為蜀帥每有篇章即日傳布人以先
覩為快

眼兒媚

萍鄉道中乍晴卧輿中困甚小憩柳塘

酣二日脚紫烟浮妍暖破輕裘困入天色醉人花氣
午夢扶頭○春慵恰似春塘水一片縠紋愁溶二曳

二東風無力欲皺還休

一落索

南浦舟中與江西帥漕酌別夜後忽大雪

畫戟錦車皆雅故簫鼓留連客住南浦春波暮難忘
羅鞵生塵處○明日船旗應不駐且唱斷腸新句捲
盡珠簾雨雪花一夜隨人去

菩薩蠻

元夕立春

雪林一夜收寒了東風恰向灯前到今夕是何年新
春新月圓○綺叢香霧隔猶記醒狂客留取縷金幡
夜蛾相並看

菩薩蠻

湘東驛

客行忽到湘東驛明朝真是瀟湘客晴碧萬重雲幾
時逢故人○江南如塞北別後書難得先自鴈來稀
那堪春半時

滿江紅清江風帆甚快作此與客劇飲歌之

千古東流聲捲地雲濤如屋橫浩渺檣竿十丈不勝
帆腹夜雨翻江春浦漲船頭鼓急風初熟似當年呼
禹亂黃川飛梭速○擊楫誓空警俗休拊髀都生肉
任炎天米海一杯相屬荻笋萋芽新入饌鷓鴣絃鳳吹
能翻曲笑人間何處侶尊前添銀燭

謁金門宜春道中野塘春水可喜有懷舊隱

言選卷二
六
塘水碧仍帶麴塵顏色泥二穀紋無氣力東風如愛
惜○恰似越來溪側也有一雙溪鶴只欠柳絲千百
尺繫船春弄笛

秦樓月

寒食日湖南提舉胡元高家席上聞琴

湘江碧故人同作湘中客湘中客東風回鴈杏花寒
食○温二月到藍橋側醒心絃裏春無極春無極明
朝殘夢馬嘶南陌

陸務觀

名游號放翁山陰人官至煥章閣待制
劉漫塘云范至能陸務觀以東南文墨
之彥至能為蜀帥務觀在幕府主賓唱

酬短章大篇人爭傳誦之

水龍吟

春日遊摩訶池

摩訶池上追遊路紅綠參差春晚韶光妍媚海棠如
醉桃花欲暖挑菜初閑禁烟將近一城絲管看金鞍
爭道香車飛蓋爭先占新亭館○惆悵年華暗換黯
銷魂雨收雲散鏡奩掩月釵梁拆鳳秦箏斜鴈身在
天涯亂山孤壘危樓飛觀歎春來只有楊花和恨向
東風滿

沁園春別恨

一別秦樓轉眼新春又近放灯憶盈二倩笑纖二柔

陸務觀

同選卷之二

七

言思卷二
握雪香花語玉暖酥凝念遠愁腸傷春病思自怪平生殊未曾君知否漸香消蜀錦淚漬吳綾○難求繫日長繩况倦客飄零少舊朋但江郊鴈起漁村笛怨寒缸委炆孤硯生冰水繞山圍烟昏雲慘縱有高臺常怯登消菟處是魚箋不到蘭夢無憑

月照梨花 閨思

霽景風軟烟江春漲小閣無人綉簾半上花外姊妹相呼約擘蒲○脩蛾忘了章臺樣細思一餉感事添惆悵曾酥臂玉消減擬覓雙魚倩傳書

月照梨花 閨思

悶已縈損那堪多病幾曲屏山伴人晝靜梁燕催起
猶慵換熏籠○新愁舊恨何時盡漸凋綠鬢小雨知
花信芳牋寄與何處綉閣珠櫳柳陰中

夜遊宮 記夢

雪曉清笳亂起夢遊處不知何地鐵騎無聲望似水
想閼河鴈門西青海際○睡覺寒灯裏漏聲斷月斜
窓紙自許封侯在萬里有誰知鬢雖殘心未死

夜遊宮 宴席

宴罷珠簾半捲画簷外蠟香人散翠霧霏二漏聲斷
倚香肩看中庭花影亂○宛是高唐館宝奩炷麝烟

詞選卷二
二十
初煖壁月何妨夜
滿擁芳柔恨今年寒尚淺

臨江仙 晚春

鳩雨催成新綠燕泥收盡殘紅春光還與美人同論
心空眷二分袂却匆○只道真情易寫那知怨句
難工水流雲散各西東半廊花院月一帽柳橋風

釵頭鳳

閨詞

紅酥手黃滕酒滿城春色宮牆柳東風惡歡情薄一
懷愁緒幾年離索錯○春如舊人空瘦淚痕紅
浥鮫綃透桃花落閑池閣山盟雖在錦書難托莫○

浪淘沙 別恨

綠樹暗長亭幾把離尊陽關常恨不堪聞何況今朝
秋色裏身是行人○清淚泥羅巾各自消魂一江離
恨恰平分安得千尋橫鐵截斷江津

南鄉子 賦歸

歸夢寄吳檣水驛江程去路長想見芳洲初繫纜斜
陽烟樹參差認武昌○愁鬢點新霜曾是朝衣染御
香重到故鄉交舊少淒涼却恐他鄉勝故鄉

感皇恩 感懷

小閣倚秋空下臨江渚漠漠孤雲未成雨數聲新鴈

回首杜陵何處壯心空萬里人誰許
○黃閣紫樞築壇開府莫怕功名欠人做
如今熟計只有故鄉歸路石帆山脚下菱三畝

好事近

東歸書事

歲晚喜東歸掃盡市朝陳迹揀得亂山環處釣一潭
澄碧○賣魚沽酒醉還醒心事付橫笛家在萬重雲
外有沙鷗相識

蝶恋花

寒食

陌上簫聲寒食近雨過園林花氣浮芳潤千里斜陽
鍾欲暝憑高望斷南樓信○海角天涯行略盡三十

年間無處無遺恨天若有情終欲問
忍教霜點相思鬢

蝶恋花 懷別

水漾萍根風卷絮倩笑嬌顰
忍記逢迎處只有夢魂能再遇
堪嗟夢不由人做○夢若由人何處去
短帽輕衫夜：眉州路不怕銀缸深
綉戶只愁風斷青衣渡

朝中措 閨情

怕歌愁舞懶逢迎粧晚托春醒
總是向人深處當時枉道無情○
關心近日啼紅密訴剪綠深盟
杏館花

陰恨淺畫堂銀燭熈明

鵲橋仙感舊

華灯縱博彫鞍馳射誰記堂年豪舉酒徒一取封
侯獨去作江邊漁父○輕舟八尺低篷三扇占斷蘋
洲烟雨鏡湖元自屬閑人又何必君恩賜與

破陣子省華

仕至千鍾良易年過七十常稀眼底榮華元是夢身
後聲名不自知營一
端為誰○幸有旗亭沽酒何妨
繭紙題詩幽谷雲蘿朝采藥靜院軒窓夕對碁不歸
真箇癡

玉胡蝶 王忠州家席上

倦客平生行處墜鞭京洛解佩瀟湘此夕何年初賦
宋玉高唐綉簾開香塵乍起蓮步穩銀燭分行暗端
相燕羞鶯妬蝶遶蜂忙○難忘芳樽頻勸峭寒新退
玉漏猶長幾許幽情只愁歌罷月侵廊欲歸時司空
笑問微近處丞相嗔狂斷人腸假饒相送上馬何妨

如夢令 閨思

獨倚博山峯小翠霧滿身飛繞只恐學行雲去作陽
臺春曉春曉春曉滿院綠楊芳草

真珠簾 羈遊有感

水村山館參差路感羈遊正似殘春風絮掠地復穿
簾必竟歸何處鏡裏新霜空自閉問幾時寫臺鰲署
遲暮謾憑高竚立書空獨語○自昔儒冠多誤悔當
年早不抽身歸去醉下白蘋洲看夕陽鷗鷺蓴菜鱸
魚都弃了只換得青衫塵土休願早扁舟江上一策
烟雨

中興以來絕妙詞選卷之二

中興以來絕妙詞選卷之三

宋詞

張功甫

名鑑號約坐居士西秦

人楊誠坐極稱其詩

賀新郎 李順正路分見訪留飲書贈

看了梅花去要東風攀翻看雪與君同賦海內從來
天際遠一笑平窺萬古待剪盡燭花紅吐久矣南湖
無此客似喬松萬丈凌霄舉飛咳唾掃塵土○承平
氣象森眉宇想天家驂鸞洞裏細烟冰霧我亦秦關
婦未得誰念干將醉抚判良夜歌橫冠屨莫歎瀟湘

居尚遠擁戎輶萬騎鳴笳鼓雲正鎖汴京路

賀新郎 陳退翁分教衡湘將行酒闌索詞漫成

桂隱傳杯處有風流千岩韻勝太丘遺緒玉季金昆
霄漢侶平步鳶坡揮塵莫便駕飛颿烟渚雲動精神
衡岳去向君山帝樂鏘韶濩蘭蕙畹吊湘楚○南湖
老矣無襟度但樽前踉蹌醉影帽花顛仆只恐清時
專文教猶貸陰山狂虜卧錦帳貔貅征鼓忠烈前勲
賁萬恨望神都魏闕奔狐兔呼翠袖為君舞

夢遊仙 記夢

飛夢去閑到玉京遊塵絕天高那得暑月明雲薄澹

於秋宮殿鎖金虬○冰佩冷風颺紫綃
五色光中瞻帝所方知碧落勝炎洲
香霧濕簾鉤

木蘭花

癸丑年生日

年三月二是居士始生朝念綠鬢功名初心已負
難報劬勞天留帝城勝處匯平湖遠岫碧岩堯竹色
詩書燕几柳陰桃杏橫橋○西隣東舍不難招
太半是漁樵任翁媪歡呼兒孫歌笑野具村醪
醉來更隨鶴舞看清風送月過松梢百歲因何
快樂盡從心地逍遙

木蘭花

甲寅三月中泮邀樓大防陳君舉中書

兩舍人黃文叔待制彭子壽右史黃子由正
監沈應先大著過桂隱即席作

清明初過後正空翠靄晴鮮念水際樓臺城隅花柳
春意無邊清時自多暇日看聯鑣飛蓋擁羣賢朱邱
橫經滿座紫微淵思如泉○高情那更屬雲天語笑
雜歌絃向啼鳩聲中落紅影裏忍負芳年浮生轉頭
是夢恐它時高會却難全快吐淋浪醉墨要令海內
喧傳

漁家傲 漁翁

拂二春風生草際新晴萬景供遊戲鷗鷺飛來斜照

裏金和翠分明画出真山水○遮箇漁翁無愠喜乾
坤頓在孤篷底一曲高歌千古意閑來睡從教月到
花汀外

鵲橋仙 立秋後一夕

暑雲猶在澄空欲變入夜徘徊庭際新秋知是昨宵
來愛殘月纖纖西墜○芭蕉老大流螢衰健靜裏細
觀天意輕風未有半分涼柰人道今宵好睡

柳梢青

舟泊秦淮

天遠山圍龍蟠淡靄虎踞斜暉幾度功名幾番成敗
渾似鷗飛○樓臺一望淒迷筭到底空爭是非今夜

潮生明朝風順且送船歸

江城子 夏夜觀月

飛來冰雪冷無聲可中庭骨毛清卧看東南和露雨
三星驀地神遊天上去呼彩鳳駕雲輶○望舒宮殿
玉崢嶸桂千層宝香凝搗藥仙童邀我論長生一笑
歸來人未睡花送影上窓櫺

昭君怨 月夜賞荷花

月在碧虛中佳人向乱荷中去花氣雜風涼滿船香
○雲被歌聲搖動酒被詩情掇送醉裏卧花心擁紅
衾

八聲甘州 中秋夜作

歎流光迅景百年間能醉幾中秋正淒蛩鳴砌驚鳥
翻樹烟淡蘋洲誰喚金輪出海不帶一雲浮纔上青
林頂俄轉朱樓○人老歡情宜減料素娥信我不為
閑愁念幾番清夢常是故鄉留倩風前數聲橫管叫
玉鸞騎向碧空遊誰能願黍炊榮利蟻戰怨讐

滿江紅 小園玉照堂賞梅呈洪景盧內翰

玉照梅開三百樹香雲同色光搖動一川銀浪九霄
珂月幸遇勛華時世好歡娛况是張灯夕更不邀名
勝賞東風真堪惜○盤詰手春秋筆今內相斯文伯

肯閑迂軒蓋遠過泉石奇事人生能幾見清樽花畔
須教側到鳳池却欲醉鷗邊應難得

念奴嬌登平江齊雲樓夜飲雙瑞堂呈雷吏部

東吳名勝有高樓直在浮雲齊處十二闌干邀遠望
歷歷斜陽烟樹香徑人稀廡廊山逸往事今何許一
天和氣為誰吹散疎雨知是蘭省星郎朱輪森戟與
風光為主暇日登携多雅致容我追隨臨賦小宴重
開晚寒初勁還下危梯去燭華紅墜瑞堂猶按歌舞

燭影搖紅

灯夕玉照堂梅花正開

宿雨初乾舞梢烟瘦金絲裊嫩雲扶日做新晴舊碧

尋芳草幽徑蘭芽尚小
惟今年春歸太早柳塘花院
萬朵紅蓮一宵開了
○梅雪翻空忍教空對東風老
粉園香陣擁詩仙
戰退春寒峭
現樂歌彈鬧
曉宴親
賓團樂同笑醉
歸時候
月過珠樓參橫蓬島
柳塘花院
現樂皆家中堂名也

滿庭芳 促織見

月洗高梧露溥幽草
宝釵樓外秋深
土花沿翠螢火
墜墻陰靜聽寒聲
斷續微韻轉
凄噎悲沉
爭求侶
殷勤勸織促
破曉機心
○兒時曾記得
呼灯灌穴
歛步隨音
任滿身花影
猶自追尋
携向華堂
戲闌亭臺小

籠巧粧金今休說從渠牀下涼夜聽孤吟

名仔荅溪人嘗

胡仲任

編漁隱叢話

感皇恩 自得

乞得夢中身 歸樓雲水始 竟精神自家底 峭帆輕棹
時與白鷗遊戲 畏途都不管 風波起 光景如梭人
生浮靡百歲何妨盡 沉醉卧龍多事 謾說三分奇計
算來爭似我長昏睡

張東父

名震號無隱居士詞甚

婉媚蓋富貴人語也

蝶恋花 惜春

梅子初青春已暮芳草連雲綠遍西池路小院綉垂
簾半舉銜泥紫燕雙飛去○人在赤欄橋畔住不解
傷春還解相思否清夢欲尋猶間阻紗窓一夜蕭
雨

鷓鴣天 怨別

寬盡香羅金縷衣心情不似舊家時萬絲柳暗才飛
絮一點梅酸已着枝○金底背玉東西前歡贏得兩
相思傷心不及風前燕猶解穿簾度幕飛

鷓鴣天 春暮

言過卷三
六
橫素橋邊景最佳綠波清淺見瓊沙銜泥燕子迎風
絮得食魚兒趁浪花○春已暮日初斜画船簫鼓是
誰家蘭橈欲去空留戀醉倚闌干看晚霞

驀山溪春半

青梅如豆斷送春歸去小綠間長紅看幾處雲歌柳
舞佯花識面對月共論心携素手採香遊踏遍西池
路○水邊朱戶曾記銷魂處小立背秋千空悵望娉
婷韻度楊花撲面香糝一簾風情脉脉酒厭回首
斜陽暮

驀山溪初春

春光如許春到江南路柳眼弄晴暉笑梅老落英無
數峭寒庭院羅幙護窓紗金鴨暖錦屏深曾記看承
處○雲邊尺素何計傳心縷無處說相思空惆悵朝
雲暮雨曲闌干外小立近黃昏心下事眼邊愁借問
春知否

韓无咎

名元吉號南澗名家文獻
政事文學為一代冠冕

水龍吟 題三峯閣詠英華女子

兩餘疊巘浮空望中秀色仙都是洞天未鎖人間春
老玉妃曾墜錦瑟繁絃鳳簫清響九霄歌吹問分香

舊事劉郎去後知誰伴風前醉○回首暝烟千里但
紛_二落紅如泪多情易老青鸞何許詩成誰寄斗轉
參橫半簾花影一溪寒水悵飛鳧路杳行雲夢斷有
三峯翠

謁金門 春雪

春尚淺誰把玉英裁剪
但道梅梢開未遍
卷簾花滿院
○樓上酒融歌暖樓下水平烟遠
却似湧金門外見
絮飛波影亂

水調歌頭 九日

今日我重九莫負菊花開
試尋高處携手躡屐上崔

嵬放目蒼岩萬仞雲護曉霜成陣知我與君來古寺
倚脩竹飛檻絕纖埃○笑談間風滿座酒盈杯仙人
跨海休問隨處是蓬萊落日平原西望鼓角秋深悲
壯戲馬但荒臺細把茱萸看一醉且徘徊

辛幼安

名弃疾號稼軒

瑞鶴仙 題南劍双溪樓

片帆何太急望一葉須臾去天咫尺舟人好看客似
風濤三峽差我劍戟溪南溪北正遐想幽人泉石被
漁樵指點危樓却羨舞筵歌席○歎息山林鍾鼎意

倦情遷本無欣戚轉頭陳迹飛鳥外晚烟碧問誰憐
舊日南樓老子最愛月明吹笛到而今撲面黃塵欲
歸未得

瑞鶴仙上洪倅壽

黃金堆到斗恁得似長年画堂勸酒蛾眉最明秀向
水沈烟裏兩行紅袖笙歌擱就爭說道明年時候被
嫦娥做了殷勤仙桂一枝入手○知否風流別駕近
日人呼文章太守天長地久歲三上乃翁壽記從來
人道相門出相金印纍三俛有但直須周公拜前魯
公拜後

滿江紅 賀王宣子平湖南寇

笳鼓歸來舉鞭問何如諸葛人道是匆_二五月渡瀘
深入白羽風生貔虎嘯青溪路斷猩鼯泣早紅塵一
騎落平崗捷書急○三萬卷龍頭客渾未得文章力
把詩書馬上笑驅鋒鏑金印明年如斗大貂蟬却自
兜鍪出待刻公勲業等雲霄活溪石

滿江紅 感興

過眼溪山恠都似舊時曾識還記得夢中行遍江南
江北佳處徑須携杖去能消幾緡平生屐笑塵勞三
十九年非長為客○吳楚地東南拆英雄事曹劉敵

辛幼安

言邊卷三
九
被西風吹盡了無陳迹樓觀才成人已去旌旗未卷
頭先白嘆人間哀樂轉相尋今猶昔

滿江紅送鄭舜舉赴召

湖海平生筭不負蒼髯如戟聞道是君王着意太平
長策此老自當兵十萬長安正在天西北便鳳凰飛
詔下天來催歸急○車馬路兒童泣風雨暗旌旗濕
看野梅官柳春風消息莫向蔗菴追笑語只今松竹
無顏色問人間誰管別離愁杯中物

祝英臺近 春晚

宝釵分桃葉度烟柳暗南浦怕上層樓十日九風雨

斷腸點點飛紅都無人管倩誰喚流鶯聲住○鬢邊
覷試把花卜歸期才簪又重數羅帳灯昏哽咽夢中
語是他春帶愁來春歸何處又不解帶將愁去

水調歌頭盟鷗

帶湖吾甚愛千丈翠奩開先生無事杖屨一日走千
回凡我同盟鷗鷺今日既盟之後來往莫嫌猜白鶴
在何處嘗試與偕來○破青萍排翠藻立蒼苔窺魚
笑汝癡計不解舉吾杯廢沼荒丘疇昔明月清風此
夜人世幾惟哀東岸綠陰少楊柳更須栽

水調歌頭

辛幼安

詞選卷三
折盡武昌柳，挂席上瀟湘。二年魚鳥江上笑，我往來
忙。富貴何時休，問離別中年堪恨。憔悴鬢成霜，絲竹
陶寫耳急羽，且飛觴。○序蘭亭歌赤壁，綉衣香使君
千騎鼓吹風采，漢侯王莫把離歌頻唱。可惜南樓佳
處風月已淒涼，在家貧亦好。此語試平章。

醉江月 登賞心亭

我來吊古上危樓，贏得閑愁千斛。虎踞龍盤何處是，
只有興亡滿目。柳外斜陽，水邊歸鳥，壠上吹喬木片
帆西去。一聲誰噴霜竹。○却憶安石風流，東山歲晚，
淡落哀箏曲。兒輩功名都付與，長日惟消碁局。寶鏡

難尋碧雲將暮誰勸盃中綠江頭風怒朝來波浪翻
屋

酹江月 西湖和人韻

晚風吹雨戰新荷聲亂明珠蒼壁誰把香奩收寶鏡
雲錦周遭紅碧飛鳥翻空游魚吹浪慣聽笙歌席坐
中豪氣看君一飲千石○遙想處士風流鶴隨人去
已作飛仙客茅舍竹籬今在否松竹已非疇昔欲說
當年望湖樓下水與雲寬窄醉中休問斷腸桃葉消
息

酹江月 春恨

辛幼安

詞選卷三

十一

野棠花落又匆匆過了清明時節剗地東風欺客夢
一枕銀屏寒怯曲岸持觴垂楊立馬此地曾經別樓
空人去舊遊飛燕能說○聞道綺陌東頭行人曾見
簾底纖二月舊恨春江流不盡新恨雲山千疊料得
明朝尊前重見鏡裏花難折也應驚問近來多少華
髮

水龍吟

賞心亭

楚天千里清秋水隨天去秋無際遙岑遠目獻愁供
恨玉簪螺髻落日樓頭斷鴻聲裏江南游子把吳鉤
看了欄干拍遍無人會登臨意○休說鱸魚堪膾休

西風季鷹來未求田問舍怕應羞見劉郎才氣可惜
流年憂愁風雨樹猶如此倩何人喚取紅巾翠袖搵
英雄淚

水龍吟

壽韓南澗

渡江天馬南來幾人真是經綸手長安父老新亭風
景可憐依舊夷甫諸人神州沈陸幾曾回首筭平戎
萬里功名本是真儒事君知否○况有文章山斗對
桐陰滿庭清晝當年墮地而今試看風雲奔走綠野
風烟平泉草木東山歌酒待他年整頓乾坤事了為
先生壽

辛幼安

詞選卷三

三

水龍吟 再壽韓南澗

玉皇金殿微涼看公一試薰風手高門画戟桐陰聞
道青二如舊蘭佩空芳蛾眉誰妬無言搔首甚年二
却有呼韓塞上人爭問公安否○金印明年如斗向
中州錦衣如畫依然盛事貂蟬前後鳳麟飛走富貴
浮雲我評軒冕不如杯酒待從今痛飲八千餘歲伴
松椿壽

水龍吟 題南劍双溪樓

舉頭西北浮雲倚天萬里瀕長劍人言此地夜深長
見斗牛光燄我竟山高潭空水冷月明星澹待然犀

下看憑欄却怕風雷怒魚龍慘○峽東滄江對起過
危樓欲飛還歛元龍老矣不妨高卧冰壺涼簟千古
興亡百年悲笑一時登覽問何人又卸片帆沙際繫
斜陽纜

木蘭花慢送張仲固帥興元

漢中開漢業問此地是耶非想劍指三秦君王得意
一戰東歸追亡事今不見但山川滿目淚沾衣落日
胡塵未斷西風塞馬空肥○一編書是帝王師小試
去征西更草一離筵匆一去路愁滿旌旗君思我回
首處正江涵秋影鴈初飛安得車輪四角不堪帶減

腰圍

木蘭花慢

送滁州范倅

老來情味減對別酒惜流年更屈指中秋十分好月
不照人圓無情水都不管共西風只等送歸船秋晚
尊鱸江上夜深兒女燈前○征衫便好去朝天王殿
正思賢想夜半思綸留教視草却遣籌邊長安故人
問我道愁腸殢酒只依然目斷秋霄落鴈醉來時響
空弦

摸魚兒

暮春

更能消幾番風雨匆二春又歸去惜春長怕花開早

何況落紅無數春且住見說道天涯芳草無歸路怨
春不語筭只有殷勤畫簷蛛網盡日惹飛絮○長門
事準擬佳期又誤娥眉曾有人妬千金縱買相如賦
脉二此情誰訴君莫舞君不見玉環飛燕皆塵土閑
愁最苦休去倚危欄斜陽正在烟柳斷腸處

最高樓

洪內翰慶七十

金閨老眉壽正如川七十且華筵樂天詩句香山裏
杜陵酒債曲江邊問何如歌窈窕舞嬋娟○更十歲
太公方出將又十歲武公才入相留盛事看明年直
須腰下添金印莫教頭上欠貂蟬向人間長富貴地

言選卷三
行仙

最高樓 梅花

花知否花一似何郎又似沈東陽瘦稜二地天然白
冷清二地許多香笑東君還又趁北枝忙○着一陣
霎時間底雪着一箇缺些兒底月山下路水邊墻清
香怕有人知處蒼松側畔竹旁相怎禁他桃與李少
年場

千秋歲 建康壽史致道

塞垣秋草又報平安好樽俎上英雄表金湯生氣象
珠玉霏談笑春近也梅花得似人難老○莫惜金樽

倒鳳詔看二到留不住江東小從容帷幄裏整頓乾
坤了千百歲從今盡是中書考

沁園春

退閒

三逕初成鶴怨猿驚稼軒未來甚雲山自許平生意
氣衣冠人笑抵死塵埃意倦須還身閑要早豈為尊
羹鱸膾哉秋江上看驚弦鴈避駭浪船回○東崗更
葺茅齋好都把軒窓臨水開要小舟行釣先應種柳
踈籬護竹莫礙觀梅秋菊堪餐春蘭可佩留待先生
手自栽沈吟久怕君恩未許此意徘徊

沁園春

將止酒戒酒杯

辛卯安

詞選卷三

七

言選卷三
三
杯汝來前老子今朝點檢形骸甚長年抱病咽如焦
釜于今喜眩氣似奔雷汝說劉伶古今達者醉後何
妨死便埋渾如此歎汝於知己真少恩哉○更憑歌
舞為媒筭合作平居鴆毒猜况愁無小大生於所愛
物無美惡過則為灾與汝成言勿留亟退吾力猶能
肆汝杯 = 再拜道麾之即去招則須來

聲 = 慢 滁州作莫枕樓

征埃成陣行客相逢都道幻出層樓指點簷牙高處
浪湧雲浮今年太守萬里罷長淮千騎臨秋凭欄望
有東南佳氣西北神州○千古懷嵩人去還笑我身

在楚尾吳頭見說弓刀陌上車馬如流從今賞心樂
事剗安排酒令詩籌華胥夢願年二人似舊遊

洞仙歌 壽葉丞相

江頭父老說新來朝野都道今年太平也見朱顏綠
鬢玉帶金魚相公是舊日中朝司馬○遙知宣勸後
東閣華灯別賜仙韶接元夜問天上幾多春只似人
間但長見精神如画好都取山河獻君王看父子貂
蟬玉京迎駕

鷓鴣天 春日即事

春入平原薺菜花新耕雨後落羣鴉多情白髮春無

詞選卷三
柰晚日青帘酒易賒○閑意態細生涯牛欄西畔有
桑麻青裙縞袂誰家女去趁蚕生看外家

鷓鴣天 秋意

枕簟溪堂冷欲秋斷雲依水晚來收紅蓮相倚渾如
怨白鳥無言定自愁○書咄咄且休一丘一壑也
風流不知筋力衰多少但覓新來懶上樓

鷓鴣天 春行即事

着意尋春懶便回何如信步兩三盃山才好處行還
倦詩未成時雨早催○携竹杖更芒鞋朱粉野
蒿開誰家寒食婦寧女笑語柔柔陌上來

鷓鴣天 東陽道中

撲面征塵去路遙，香篝漸燼水沈消。
山無重數周遭碧，花不知名分外嬌。
○人歷：馬蕭：旌旗又過小紅橋。
愁邊剩有相思句，搖斷吟鞭碧玉梢。

鷓鴣天

陌上柔桑初破芽，東隣蚕種已生些。
平岡細草鳴黃犢，斜日寒林點暮鴉。
○山遠近路橫斜，青旗沽酒有人家。
城中桃李愁風雨，春在溪頭薺菜花。

菩薩蠻 書江西造口壁

鬱孤臺下清江水中，間多少行人。
淚西北望長安可

憐無數山○青山遮不住畢竟江流去江晚正愁予
山深聞鷓鴣

菩薩蠻

稼軒日向兒童說帶湖買得閑風月頭白早歸來種
花已開○功名渾是錯更莫思量着見說小樓東
好山千萬重

鵲橋仙 和廓之弟送祐之婦浮梁

小窓風雨從今便憶中夜笑談清軟啼鴉衰柳自無
聊更管得離人腸斷○詩書事業青氈猶在頭上貂
蟬會見莫貪風月卧江湖道日近長安路遠

蝶恋花 送祐之弟

衰草殘陽三萬頃，不辨飄零天外。孤鴻影幾許，悽涼
須痛飲，行人自向江頭醒。○會少離多看，兩鬢萬縷
千絲，何況新來病。不是離愁難整頓，被他引惹其他
恨。

蝶恋花

戊申元日立春

誰向椒盤簪彩勝，整韶華，爭上春風鬢。往日不堪
重記省，為花長抱新春恨。○春未來時先借問，晚恨
開遲早，又飄零。近今歲花期消息定，只愁風雨無憑
準。

蝶恋花 別意

莫向城頭聽漏點
說與行人默
情千萬
惻是離愁
無近遠
人間兒女空恩怨
○錦綉心
曾冰雪面
舊日詩名
曾道空梁燕
傾蓋未償
平日願
一盃早唱陽關
勸

霜天曉角 惜別

吳頭楚尾
一棹人千里
休說舊愁
新恨長亭樹
今如此
○宦游吾倦矣
玉人留我醉
明日落花寒食
得且住
為佳耳

清平樂 村居

茅簷低小溪上青二草醉裏蠻音相媚好白髮誰家
翁媪○大兒鋤豆溪東中男正織雞籠最喜小兒無
賴溪頭卧剥蓮蓬

清平樂為兒鐵柱作

靈皇醮罷福祿都來也試引鸚鵡離花樹下斷了驚二
怕二○從今日二聰明更宜潭妹嵩兄看取辛家鐵
柱無灾無難公卿

西江月

秀骨青松不老新詞玉佩相磨靈槎準擬泛銀河剩
摘天星幾箇○奠枕樓東風月駐春亭上笙歌留君

辛幼安

詞選卷三

七

言邊卷三
一醉意如何金印明年斗大

喜迂鶯荷花

暑風涼月愛亭二無數綠衣持節掩冉如羞參差似
妬擁出芙蓉花發步襯潘娘堪恨兒比六郎誰潔添
白鷺晚晴時公子佳人並列○休說塞木末當日靈
均恨與君王別心阻媒勞交踈怨極恩不甚兮輕絕
千古離騷文字芳至今猶未歇都休問但千杯快飲
露荷翻葉

賀新郎 自述

甚矣吾衰矣悵平生交游零落只今餘幾白髮空垂

三千丈一笑人間萬事問何物能令公喜我見青山
多妩媚料青山見我應如是情與兒略相似○一尊
搔首東窓裏想淵明停雲詩就此時風味江左沈酣
求名者豈識濁醪妙理回首叫雲飛風起不恨古人
吾不見恨古人不見吾狂耳知我者二三子

京仲遠

名鏜豫章人 宣宗朝

拜相有樂章名松坡詞

滿江紅

中秋前同二使者賞月

乘興西來問誰是平生相識筭唯有瑤臺明月照人
如昔萬里清涼銀世界放教千丈冰輪出便招邀我

言選卷三
輦上層樓橫孤笛○陰晴事入難必懽樂處天常惜
幸星稀河淡雲收風息更着雨賢陪勝賞此身如與
塵寰隔笑謫仙對影足成三空孤寂

漢宮春
上元前一日立春

暖律初回又燒灯市井賣酒樓臺誰將星移萬點月
滿千街輕車細馬隘通衢蹴起香埃今歲好土牛作
伴挽留春色同來○不是天公省事要一時壯觀特
地安排何妨綵樓鼓吹綺席樽罍良宵勝景語邦人
莫惜徘徊休笑我癡頑不去年二爛醉金釵

洞仙歌
次王漕賞海棠韻

東皇著意妙出粧春手點綴名花勝於綉向魚鳧國
裏琴鶴堂前仍共賞蜀錦堆紅炫晝○妖饒真艷麗
盡是天然莫恨無香欠檀口幸今年風雨不苦摧殘
還肯為遊人再三留否筭魏紫桃黃號花王若定價
收名未應居右

賀新郎 中秋

試與常娥語問因何年○此夜月明如許萬頃鎔成
銀世界是處玉壺風露又豈比尋常三五變化乾坤
同一色竟星躔斗柄皆回互須要我共分付○平生
腳踏紅塵處謾紛○雞蟲厚薄燕鴻來去只有嬋娟

多情在依舊當時雅素空自歎歸心難住留取清光
岷江畔照扁舟送我章江路頻滿引莫勿遠

木蘭花慢重九

筭秋來景物皆勝賞况重陽正露冷欲霜烟輕不雨
玉宇開張蜀人從來好事遇良辰不肯負時光藥市
家二簾幙酒樓處二絲簧婆娑老子興難忘聊復與
平章也隨分登高茱萸綴席菊蕊浮觴明年未知誰
健笑杜陵底事獨淒涼不道頻開笑口年二落帽何妨

姚令威

名寬 西溪

菩薩蠻 春愁

斜陽山下明金碧
画樓返照融春色
睡起揭簾旌
玉人蟬鬢輕
○無言空佇立
花落東風急
燕子引愁來
眉心那得開

菩薩蠻 別恨

夢中不記江南路
玉釵翠鬢驚春去
午醉晚來醒
暝烟花上輕
○紅綃空泥淚
錦字憑誰寄
衫薄暖香銷
相思雲水遙

怨王孫 春情

毵二楊柳綠初低
澹二梨花開未齊
樓上情人聽馬

言選卷三
三
嘶憶郎歸細雨春風濕酒旗

生查子 情景

郎如陌上塵妾似堤邊絮相見兩悠揚蹤跡無尋處
○酒面撲春風淚眼零秋雨過了別離時還解相思
否

踏莎行 秋思

蘋葉烟深荷花露濕碧蘆紅蓼秋風急採菱渡口日
將沉飛鴻樓上人空立○彩鳳難雙紅綃暗泣回紋
未剪吳刀澁夢雲歸處不留蹤厭_二一夜涼蟾入
中興以來絕妙詞選卷之三

開化圖書館

Kaichua library

開化圖書館

Kaichua library


蔡

開化圖書館

Kaithua Library

開化圖書館

Wathua Library




中興以來絕妙詞選

一

開元書局
Kailuan Library

開化圖書

Kaithwa library



TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color